



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput XVIII.

urn:nbn:de:hbz:466:1-29452

1. *Quare Deus segregauit populum Iudaicum a ceteris gentibus.*
2. *In quem finem illis dedit legem, ceremonias, & hostias præcepit.*
3. *Quomodo semper sub una fide varijs ritus & ceremoniæ sine periculo sint obseruatae.*

Post lapsum primi parentis, Gen. 3. statim ex gratuia misericordia Deus promisit saluatorem futurum, Christū scilicet: Ipsum semen conteret caput tuū, vbi serpenti deceptrici Adæ maledixit, & homini iterum se daturū in tempore redemptorē promisit. Hanc igitur promissionem voluit Deus tenere & credere Adam & Euam, ac omnes posteros eius. Et sic fide istius promissionis diuinæ consolarentur de recuperanda salute æterna, quā peccando perdidérant, cùm de paradiſo expulsi fuerant, propter illud promissum semen, id est, Christū. Et in hac fide Adam & Eua & quoiquot pīj erant, detinebantur & consolabantur, & spem habuerunt salutis recuperanda propter promissum Christū, usq; ad tempus Moysis per multa tempora. Et licet essent idololatre plures ab Adam usq; ad Moysen, erant tamen pīj & fidiles, in quibus vixit & permansit fides huius promissionis Diuinæ. Et quando maiori pars hominum in mundo cœpit idololatrare, tunc segregauit sibi Deus populum specialem à ceteris gentibus, scilicet Abrahā, Isaac & Iacob, & pios aliquot illorū filios: & hoc primo, vt esset aliquis populus qui crideret & conservaret hanc promissionē de semine Christo factam: & eandem promissionē replicauit Abrahamo, Davidi &c. quō essent certiores: deinde, vt esset certus populous

pulus in quo nasceretur Christus. Nā factus est Christus filius Ahrahē, filius Dauid secundum carnem, Ro. 1. Postremō, vt esset populus, apud quem vera testimonia de vero Deo essent: nam gentes colebant falsos Deos, idola, &c. Psal 113. Dix gentium Dæmonia. Et quia iudei sic erant electus Dei populus, & propter supradicta testimonia: ideo multis miraculis Deus ornauit hunc populum, sicut patet quantis miraculis est eductus ex Aegypto, etiam in deserto, quæ & quanta fecit Deus cum illis: propter has igitur causas Deus sibi segregauit populum illum.

Deus hunc populum subiecit varijs legibus, sacrificijs, & cæremonijs, quib. coerceretur caro ad reuocandum ab idolatria. Nam Aegyptij, inter quos fuerant nati & educati Iudei, colebant sicut Deos, agnum, bouem, hircum: & ideo nefas existimabant, dicta animalia immolare: ideo dicebant ad Moysen Exo. 8. Si mactauerimus ea quæ colunt Aegyptij, coram eis lapidibus obruemur. Et ideo per oppositum præcepit Dominus ista animalia sibi immolare, ne inciderent in idolatriam, & huiusmodi animalia pro Dijs reputarent. Deinde, ne putarent se inferiores gentibus, qui diuersa sacrificia suis dijs immolabant, vt & ipsi essent occupati, & sic Deum vnum cohererent in figura veri sacrificij, mactandi in fine temporum, scilicet Christi: figurabat enim mors animatum, mortem futuri Christi. Vide latius Lyram super Leuit. I.

Sed hæc Iudeorū sacrificia pro peccatis populj, Sacerdotis, Principis, sicuti patet Leuit per multa capitula, non merebantur verè iustificationem & remissionem. Hebr. 10. Impossibile est sanguine hirorum, taurorum & vitulorum deleri peccata igitur per illam solam fidem in futurum Christum illis promissum, verè remittebantur eis peccata. Et ideo quoad iustificationem, nullum est discriminou & veteris testamenti,

stamenti, quia utriusque fide in Christum iustificamur, non lege operū. Ro 3 Arbitramur hominē &c. & Gal. 2. Si ex lege iustitia, Christus gratis venit in mundū.

Merebantur tamen hæc sacrificia & cultus Iudæorum ciuiliter, hoc est, coram illa Ecclesia remissionē à sordibus carnis, quod mundificabantur & reputabantur mundi, & ostendebant se esse partem populi, ne à politia Moysis excluderentur, erant quoque hæc sacrificia, signa confessionis & sacrificia laudis, quibus Deo gratias agebant pro acceptis beneficijs: & profitebantur se illum inuocare Deum, qui eis hoc verbum dederat, & de Aegypto liberauerat, eosque custodiret & sanaret.

Cæterū pijs & credentibus omnes illi cultus in lege erant bona opera, quibus fidem suam exercabant, & quatenus crederent futurū Christum occidendum pro totius mundi salute, sicut etiā Dauid alludit Psal. 50. Adsperges me Domine hysopo: etiam varijs præmijs Deus ornauit huiusmodi sacrificia & cultū, liberando illos ab inimicis, donando terram lacte & melle fluentem. Non tamen talibus obseruatiunculis legis iustificabantur coram Deo, sed fiducia misericordiæ eius promissæ per Christum venturum, ob id ubique Apostolus detrahit legi iustificationem, & transfert in Christum, Rom. 3. Gal. 3. & 4.

Sed plurimum offendit Iudæos ea doctrina iustificationis, qui aestimabant se consequi remissionē & salutem propter suos cultus & opera legis atque sacrificia, ideo persequebantur & occidebant Prophetas omnes Christo iustificationem tribuentes, sic gestes & Iudæi occiderunt sanctos homines, & Christum ipsum & Apostolos propter hanc fidem. Quare & hodiè fit tumultus ab his qui ignorant rationem iustificationis, & hanc tribuunt suis cultibus, & cumulant in eum finem diuersos cultus, ordines & cœrimonias: illi dum audiunt quod propter hæc non iustificantur

stificantur coram Deo, sed propter Christum, frequentibus: Igitur ex illo fonte ortae sunt variæ persuasiones de Ecclesiasticis ritibus: oportet igitur esse doctrinæ & confirmatum exemplo Prophetarū: ceterū in aliud finem sacri ritus ad ordinem, ad Dei laudem, ad exercitium corporis & fidei &c. nihil derogant, quando & sic Deo placent, & sua habent præmia.

Licet varij ritus atq; diuersi sint atq; fuerunt in vtroq; testamento, vna tamen semper est & fuit fides in Christum iustificatorem. Lex Mosaica habebat promissionem regni Israël, id est, terram sanctam & ciuilem iustitiam. Sed Euangelium & nouum testamentum habet promissionem vitæ æternæ, & veram adfert coram Deo iustitiam à peccatis. Habuit lex circuncisionem & varios ritus & sacrificia, habet Euangelium Baptismum, sacrificium corporis proprij, Rom. 12. & varia pietatis opera. Etsi ritus sunt diuersi & mutati, non tamen fides. Sic David, Abraham & similes, suis vtebantur ritibus & legibus. Fide tamen placebant Deo. Ita quoq; & nos nostris utimur cæremonijs, ritibus sanctis, fide tamen in Christum placemus Deo & iustificamur: nostra enim conuersatio in celo est, Philipp. tertio. Nihil enim periculi erit adempta opinione iustitie, quæ soli Christo reseruat.

CAPVT XIX.

A R G V M E N T A.

1. Unde sit causa electionis, utrum ex lege, annostra actione.
2. Qui sint certi, quod sint de numero prædestinaturum.
3. Quid faciat conscientia, dum anxiatur de prædestinatione.